

## **BILBOKO UDALAK DERRIGORREZKO BIGARREN HEZKUNTZAKO ETA LANBIDE HEZKUNTZAKO IKASTETXEEI ZUZENDURIKO HIRI-HONDAKINEN INGURUKO BIRZIKLAPEN KANPAINA (2018-2019 ikasturtea)**

### **1. Sarrera**

---

Ingurumen-hezkuntza prozesu jarraia da eta ikasleria gaur egungo eta etorkizuneko etxeetako hondakinen kudeatzailea izango dela kontutan hartuz, hondakinak modu egokian sailkatzearen garrantziaz jabetzeko eta eskola komunitateak dituen zalantzak argitzeko, Bilboko Udalak ikastetxei zuzenduriko kanpaina berri bat antolatu du.

### **2. Helburu orokorrak**

---

- Hiri-hondakinen inguruko hierarkia ezagutzea: **murrizketa**, **berrerabilpena** eta **birziklapena** azpimarratuz.
- Guztiok hondakinen arazoan konponbidean dugun protagonismoaz jabetzea, hau da, hondakinen sorreran, berrerabileran eta gaikako bilketan parte hartzeak, norberak duen garrantziaz eta hondakinek suposatzen duten arazoaz **kontzientziaztea** eta **sentsibilizatzea**.
- Partaideen artean, estimulu bat sortaraztea, **jokabide-ohituren aldaketa** eman dadin, murrizketa lehenetsiz eta sortutako hondakinak modu egokian banatuz.
- Ikas komunitate osoan, **hondakinen sailkapen egokiaren aldeko konplizitatea lortzea**, kontzienteki parte hartzen duten ingurumen kultura berriaren bozeramailea eta eragile biderkatzaile bihurtuz.

### **3. Hartzaileak**

---

Ingurumen hezkuntzako kanpaina honen hartzaile zuzenak Bilboko bigarren hezkuntzako eta lanbide hezkuntzako ikastetxeetako ikasleak dira, zehazki, Bigarren Hezkuntzako 4. mailako eta Lanbide Hezkuntzako 1. mailako ikasleak.

### **4. Aurretiko hitzaldi informatzailea**

---

Bilboko Udalak gardentasunarekin duen konpromisoari eutsiz, ekitaldi honetan berrikuntza bat proposatzen du: kanpainan parte hartuko duen ikasleriari zein irakasleriari hitzaldi informatzailea. Ikastetxe bakoitzean saio bat eskainiko du, Marta Barco Mondragonek, Bilboko Udal [Zerbitzuen eta Bizi-Kalitatearen Zuzendariak](#). Hitzaldian udalak bermatzen duen hondakinen kudeaketaren berri emango da, batez ere, hondakin mota bakoitza dagokion bilketa puntu bereiztuan uzten den unetik aurrera. Hitzaldiak 50 minutuko iraupena izango du.

## 5. Kanpainaren garapena

---

Kontsumo jasagarria eta sortutako hondakinen inguruko tailer praktiko bat egitea da proposamena. Tailerrak ondorengo ezaugarriak izango lituzke:

- Iraupena: Ordu t´erdi- bi ordu (ikastetxearen nahiaren arabera)
- Lekua : talde dinamizazioak baimentzen dituen ikasgela
- Metodologia : Partehartzailea ariketa simulatuekin
- Edukiak :
  - Sarrera
  - Murrizketa
    - Salmenta teknikak
    - Kontsumo arduradun baten jarraibideak
    - Goazen erosketak egitera
    - Berrikuspena taldean
  - Berrerabilera
    - Irudien ikuskaketa
    - Bateratze-lana
  - Birziklapena
    - Jakingo al zenuke hondakin bakoitzaren helmuga zein den ?
    - Errepaso orokorra eta akatsen zuzenketa
    - Edukiontzi ondorengo bizitza : produktuen bizi-zikloa

*Oharra* : Saioen iraupenari dagokionez, ordu erdiko gora-behera ikastetxe bakoitzak duen antolaketaren arabera da (jolasgaraiak, ordutegiak...) eta osatuko dugun behin betiko egutegiaren arabera. Hori horrela, ezinbestekoa zaigu tailerraren iraupen maximo eta minimoa finkatzea.

## 6. Material didaktikoa

---

Kanpainari balio erantsia ezarriko dio irakasleei zein ikasleei zuzenduriko hezkuntza materiala barneratzeak. Ikastetxe guztiek hezitzaileek egindako bisita ondorenean ikasle zein irakasleen materialak lantzeko aukera izango dute. Proposatutako material guztiak formato digitalean topa daitezke kanpainarako sortutako webgunean.

[www.bilbaobirziklapena.com](http://www.bilbaobirziklapena.com)

## 7. Hizkuntzaren trataera

---

Kanpainarako sortutako den material guztia elebiduna izango da (euskaraz eta gazteleraz egongo da) , beraz, ikastetxeko arduradunek erabakiko dute jarduerak eta unitate didaktikoak zein hizkuntzetan landuko diren.

## 8. Aholkularitza zerbitzua

---

Kanpainan zehar, parte hartzen duten irakasleei bereziki zuzenduriko aholkularitza zerbitzua dago. Modu honetan, irakaslea animatu eta gaia gure bisita aurretik edo ondoren lantzen jarraitzea da asmoa. Horretarako kanpainako telefonoa erabil daiteke: 685.738.123 edo helbide elektronikoa: [aitziber@artelatz.eus](mailto:aitziber@artelatz.eus)

## 9. Kanpaina etxeetan ere sartzen da

---

Kanpainak, lotura zuzena izango du ikasleen eta parte hartze zuzena duen irakasleen etxeekin.

## 10. Izen-ematea eta lehentasuna

---

Izen-ematea kanpainako informazio guztia sarean egoteko diseinatuko den web orrialdean egingo da ([www.bilbaobirziklapena.com](http://www.bilbaobirziklapena.com)). Guztira 100 saio egiteko aukera zabalduko da. Ikastetxeek ondorengo lehentasunak kontutan hartuz aukeratuko dira:

- 1.- “Corazones de barrio” programako partehartzaileak
- 2.- Eskolako Agenda 21 programako partehartzaileak
- 3.- Izen-emate ordenaren arabera

**Izen-emate epea: AZAROAK 30**

## 11. Kanpainaren garapena

---

Kanpaina, 2018-2019 ikasturteko 2. hiruhilekoan burutuko da.